

明太醫院使戴元禮著

證治要訣

上海中華新教育社印行

乙丑仲春

登臨覽勝

衍署檢



中華民國十四年三月初版

證治要訣（全三冊）

每部定價大洋八角

版權所翻

原著者

金華戴元禮

校訂者

閩侯潘 衍

印刷者

中華新教育社

發行者

中華新教育社

分售處

上海世界書局

上海大東書局

各省世界書局分局

總發行所上海

愛而近路
慶祥東里

中華新教育社

民國古書集成
中華書局出版

嘗聞醫者意也蓋人之致疾有風寒暑濕勞逸之異藥之為味有酸苦辛鹹甘澹之殊苟非神聖工巧焉能測其表裏虛實之證審其浮沈滑數之脉變化順逆千態萬狀要在因病制宜臨機應變藥不執方隨時增減辨其溫涼寒熱度其緩急重輕定以君臣佐使製方施治非造詣精深洞明閭奧者烏能與於此哉
本朝太醫院使戴元禮得神農品嘗之性究軒岐問答之旨明伊尹湯液之法察叔和診視之微啟仲景東垣補瀉之秘故凡療疾加減用藥取效如神雖古之扁鵲華陀不是過矣况其際遇

明時遭逢

聖主位總醫流名揚四海有正誼不謀利明道不計功之心惟以活人為念嘗著證治要訣類方二冊藏之篋笥甚為秘惜惟靈隱住持永樂寺僧繼西緒者極與為方外契交間嘗獲覩愛而錄之珍藏什襲正統辛酉監察御史陳君疑巡撫浙江至寧波之慈溪道經永樂西緒以御史之先大夫嘗丞其邑迨今頌其德政由是情意懽洽出其秘藏醫書見示陳君遍閱不能釋手味其論斷出新意於法度之中推測病源著奇見於理趣之極觀其隨病加減之妙不特藥之咸精抑亦治療

之有據誠醫門之規矩準繩也後之欲為方圓平直者可不於是而取則焉今陳君得之如獲至寶亟欲鋟梓廣布流傳徵於予為序著其所得之由其與人為善之意利人濟物之心何其至哉予惟陳君簪纓世裔積德行善凡有可利於人者靡不盡心且如今年春朝鮮國夷人數輩泛海捕魚被風飄至浙江官軍以為倭寇擒獲解京送院收候饑寒困苦君獨念之悉備衣糧供贍使無失所卒復寧歸其存心制行率皆類是若是書刊行使天下後世不惟賴要訣而脫沉痾亦必轉天橫而躋壽域矣其有功於醫道康濟斯民之德豈淺淺哉

正統八年歲次癸亥十一月初四日資德大夫正治上卿禮部尚書前

太子賓客兼國子祭酒毘陵胡濙序

朝

文皇帝素所獎眷嘗著證治要訣類方秘藏而不輕以授人僧有鑽西緒者與公為方外交甚相善因得之未及傳布正統辛酉予奉

命出巡浙江行部至慈溪以予先人嘗官其地西緒因獲見而出前所得方書以示予惟昔陳堯叟嘗按治西廣凡所經驗方咸刻之石以惠於人蓋示為政之一端也因錄以歸爰鋟諸梓庶幾天闕之一助抑亦公與西緒之意也

正統八年仲冬吉日淞江道監察御史鳳陽陳嶷識

書證治要訣後

證治要訣乃太醫院使金華復庵戴元禮所著元禮一代明醫永樂中入侍

太宗文皇帝極受

寵顧供奉之暇嘗著此書分門析類隨證施治悉根於理以人之感疾傷寒者多故於傷寒一門傳變之證治療之法獨加詳焉誠有以發仲景東垣所未發而為醫學之筌蹄也遠鄉僻地猝然感疾得此可不求醫也前監察御史鳳陽陳君嘗鉅梓以傳曩予守東魯迎親就養時長兄橘泉居士素精於醫乃以此書授予曰事親者不可以不知醫能熟此書亦事親之一端也予寶藏之既而屢試屢驗二十年來遍詢中外醫流皆未之見豈陳之板刻歲久不行歟惟醫仁術也世之人得一良方輒秘而不以示人亦獨何心哉爰用錄刻以廣其傳庶復庵醫道之精御史君用心之厚為不泯焉

成化十年甲午春三月望日亞中大夫廣東布政使司左叅政雲間黃瑜書

秘傳證治要訣目錄

卷一諸中門

中風 附破傷風漏風

中寒

中濕

中氣

中暑

中惡 附霍亂厥

卷二諸傷門

傷風寒 附感冒

傷濕 附痺

傷食

傷暑

傷酒

卷三諸氣門

七氣

積聚

蠱脹

陰癰氣 附玉莖疼

小腸氣

痞塞 附噎膈

腫

脚氣 附下血

手氣

卷四諸血門

鼻衄

肌衄

吐血

嗽血 附肺癰

破傷血

瘡毒血

卷五諸痛門

頭痛

牙痛

膈痛 附心瘕

飲流入臂

心脾痛

腰痛

卷六諸嗽門

舌衄

牙宣

咯血

小便血

大便血

眼眶骨痛 附眼梁痛

咽喉痛 附上壅

臂痛

肩背痛

脇痛

腹痛

嘔吐 附惡心

停飲伏痰

不喜食

咳逆

卷七寒熱門

瘧寒熱

獨熱

卷八大小腑門

小便多

白濁

三消

溏泄

瀉血

痢疾 附痢後風脫肛

吐血

翻胃

噫氣吞酸

獨寒

潮熱 附虛煩

淋閉

遺精 附遺瀝夢遺

大便秘

交腸

腸風藏毒 附痔漏腸癰

卷九 虛損門

五勞

眩暈

驚悸 附健忘

五癩

不寐

卷十 拾遺門

渴病

眼疾

鼻

卷十一 瘡毒門

癰疽瘡毒

附發背 腸 癰 露 瘡

癰

癰風

附下疳 瘡

惡蟲蛇傷

盜汗自汗

虛炎短乏

愴忡

顛狂 附心風

痘 附面黃

耳

口舌 附聲音

瘡癰疥 附疔瘡

豆疥

癰撲

發丹

癰疽

卷十二 婦人門

經事不調

血虛

赤白帶

方訣引用醫書

素問

傷寒論

三因方

本事方

事親書方

拔萃方

楊氏家藏方

易簡方

百一選方

癰疽

血疼 附血瘕

崩中

胎前產後

難經

和劑方

濟生方

宣明論方

脾胃論方

直指方

魏氏家藏方

簡易方

得效方

瑞竹堂方

江西方

千金方

活人書

夷堅志

沈氏筆談方

大全良方

秘傳證治要訣卷一

明 太醫院使戴元禮 述

漆園老人陳 岐 校刻

念西居士王肯堂重校刻

諸中門

中風 附破傷風漏風

天地間惟風無所不入。一罅不塞。來不可禦。人之一身。縝密者少。疎漏者多。風乘之也。輕則為感。重則為傷。又重則為中。古人謂避風如避寇。蓋欲窒源以防患。中風之證。卒然暈倒。昏不知人。或痰涎壅盛。咽喉作聲。或口眼喎斜。手足癱瘓。或半身不遂。或舌強不語。風邪既盛。氣必上逆。痰隨氣上。停留壅塞。昏亂暈倒。皆痰為之也。五臟雖皆有風。而犯肝經為多。蓋肝主筋。屬木。風易入之。各從其類。肝受風。則筋緩不榮。或緩或急。所以有喎斜癱緩不遂。舌強語澀等證。治之之法。調氣為先。經云。善治風者。以氣理風。氣順則痰消。徐理其風。庶可收效。先用麻油調蘇合香圓。或用薑汁。或用白湯調。如口噤。挾開灌之。稍甦。則進八味順氣散。諸中或未甦。或已甦。或初病。或久病。忽吐出紫紅色者。死。昏沈不省人事。口噤不可進藥。急以生半夏為末吹。

入鼻中。或用細辛皂角為末。吹入喉。噴嚏則甦。此可以驗其受病深淺。則知其可治不可治。若稍得甦省者。八味順氣散。便服治風藥。然未遽絕治氣藥。小續命湯煎熟去滓。調蘇合香圓一粒。或五積散加麝香少許。或星香散。或醒風湯加木香一錢。如服前藥不効。其人頑涎愈盛。或前證不解。或增困重。宜星附湯。或三生飲。加全蝎三箇。間磨沈香湯下養正丹。肥人多有中病。以其氣盛於外。而歉於內也。肺為氣出入之道。人肥者氣必急。氣急必肺邪盛。肺金尅木。膽為肝之腑。故痰涎壅盛。所以治之必先理氣為急。中後氣未盡順。痰未盡除。調理之劑。惟當以藿香正氣散。和星香散煎服。此藥非特可治中風之證。治中氣中惡霍亂尤宜。尋常上嘔下疼多痰者。亦可用之。若中後體虛有痰。不可峻補。熱燥者宜四君子湯和星香飲。或六君子湯和之。中而口眼喎斜者。先燒皂角煙薰之。以逐去外邪。次燒乳香薰之。以順其血脈。若前證多怒。宜小續命湯加羚羊角。熱而渴者。小續命湯去附子。加秦艽半錢。恍惚錯語者。加茯神遠志各半錢。不得睡者。加炒酸棗仁半錢。不能言者。加竹瀝一蜺。殼許。人虛無力者。去麻黃加茯苓如其數。若人自甦者。能言能食。惟身體不遂。急則攣蹇。緩則羶曳。經年累月。難以起立。加減地仙丹常服。若中飲食坐卧如常。但失音不語。俗呼為啞風。小續命湯去附子。加石菖蒲一錢。筋骨疼痛。俗呼為痛風。

或痛而遊走無定。俗呼為走注風。並宜烏藥順氣散。和煎復元通氣散。噉地仙丹。或青龍圓。未効。用大防風湯。或五積散。調乳香末。脛細而膝腫者。俗呼為鶴膝風。宜地仙丹。感冒後。四逆手足不遂。牙關緊閉。與霍亂後。四逆手足搐搦。欲成風者。草果飲。和星香散。各半帖煎服。有無故口眼喎斜。投以中風藥劑不效。蓋緣骨虛中受風所致。當於此求之。不可例作尋常中風治也。川烏一味。決不可少。宜炮熟。用遍身骨節疼痛。晝靜夜劇。如虎之齧。名曰白虎歷節風。並宜加減地仙丹。或青龍圓。乳香圓等。有於窗罅間梳洗。卒然如中。呼為簷風。五積散加防風一錢。有痛風而痛有常處。其痛處赤腫灼熱。或渾身壯熱。此欲成風毒。宜敗毒散。兩頰赤腫。其狀如癰。名頭面風。酒調消風散。食後服。仍以生杏仁去殼。頻搗之。諸般頭風。見在諸痛。門頭痛證。病有終身不愈者。其在腰或屈而不能伸。或伸而不能屈者。在手足亦然。以風傷肝。肝主筋。筋為之也。治法活血為先。多服四物湯。吞活絡丹。治風之法。初得之。即當順氣。及其久也。即當活血。此萬古不易之理。久患風疾。四物湯吞活絡丹愈者。正是此義。若先不順氣。遽用烏附。又不活血。徒用防風。天麻。羌活。輩。吾未見能治也。風有偏枯。風痺。風懿。風痺。此皆言其至重也。外有證狀不同。其名亦眾。非旦暮可愈。非口耳可受。不復繁引。若中人髮直吐清沫。搖頭上竄。面赤如粧。汗綴如